

白
華
詩
鈔

白華詩鈔

南漚 吳省欽 沖之

里區集三

起乙未十二月
止丙申七月

宕渠柑圓膩而黃漿甘美敵粵產居人皆呼爲
橙作此正之

蜀漢擬江陵利種橘千樹太沖賦蜀都橘柚守園戶橘
大柚乃小海柑狀尤巨移橙趁細雨僅見少陵句希沾
銀甲香妄竊金球譽味酸性曲直被棄無可訴巴渠產
嘉果一園似圓瓠手搓黃細膩爪擘白施嬌并刀喚徐
剖玉液潏然吐甘居渴羌名拚受餓隸妒是疑平蒂柑

土名昧沿溯否卽橘中王橘官籍失注伐檀斫檍櫨一

誤成再誤彼橙屬有五於此絕無與卽以波斯論皮囊

等敗絮吾邑波斯橙實大一圍言感洞庭春流光壑蛇

去指今春賦洞庭春色蘇蹟

投靜邊寺贈悅公張南軒裔當習五經四子書

飄蕭橡葉趁輕鞭一分坡陀九分田蓮社開林慙晉士

鶴洲捨宅信唐賢家傳道學非眞墨座繞雲山不離禪

畱伴長明燈照影龐眉無恙鬢絲偏

靜邊寺宏治前名福堂院有泰定碑言天成間靜邊軍刺史徐承亮舍宅爲之

暮經蟠龍山宿宿翠微寺門左屹一碑駸落奧魯字上

言天上麟姓出偃王裔嘗刺靜邊軍舍宅後唐季下言
荏苒盜闌夜肱簷笥縛僧強刦金頭斷金不昇爲資七
寶裝永證三摩地是名福堂院佛火罔失墜自餘七八
通修造付傳平紀雜以有韻篇百吻競騰沸而我攻其
瑕知人必論世佛院宋始名知軍宋始置明宗入繼初
豈預改宋制年時登小康焚香格天意閩王紛度僧爾
宅諒可棄真人埽竈紫爾或起放廢終老老沙門覽古
動疑義攝山蹟自垂輞川賞難繼世間佐佛處亦復判
顯晦趺坐憺忘言柏堂響寒吹

營山宿朗池書院

李特讀書臺鳳凰臺皆在縣境

寶馬行嘶緩方冬見落梅一川交漢沔四路上蓬萊獵
將非無種儀皇信有臺卷堂逢硯凍畱待使車來

抵蓬州

幾折青溪渡蘭舟水上飛水雲漫野淨溪鳥度江微蓬
觀餘佳氣琴臺自落暉不知山近遠看煞玉環山名肥

果州試院答澹園太守將之成都畱寄原韻

灌江冬半候紅旗萬派軍儲按漏卮君治蘭絲都就緒
我扳桃李未成枝一官泛跡匏應笑兩地縈心雁自知
幾點梅花草堂夜年頭年尾照相思

充國城邊講院開經營蚤費苦心來學兼耕養須通藝

政出兵農獨借才太守循聲垂石室大儀清望樹金臺
嘉湖勺水蕪榛滿夾巷歌絃豈易哉

西溪西上板橋紅重叩仙居冷翠中何代金釵涵水化
往時玉醖吐春融茅亭一曲新添座草閣三層稍駐筇
悵望較多歡喜少懷人無語遠臨風

蓉城不與果城謀下馬匆匆上馬愁看竹便如賢主在
擘牋特爲故人畱來書乞談牋滄江伏枕成歸卧謂購沙遠道

乘輶託往遊借問樊川禪榻畔全家何日泝芳洲

武后長安鐘歌

鐘高二尺餘圍倍之其徑三分圍之一上下無侈弇如古鍾

然在保寧府署衙神祠乾隆三十年郡守江權自郡樓移此其文云維大周長安肆年歲

次甲辰拾四癸丑朔貳日甲寅合州慶林觀
觀主蒲眞應等奉爲陸神皇帝陛下敬造洪
鐘一口重四伯斤普及法界蒼生並
同斯福朝議郎行合州司馬馬德表

閬州州衙神聽聰古鐘在縣爲質銅有文從識不從歟
甲辰推歷金輪紅秋官侍郎時入相來春及正迎東宮
鐘鳴漏盡悔已晚一語侃侃回羣聾利州黑龍感妖夢
才人受詔年猶童五娘被誅究何辜秘記枉遣諮淳風
冊封天后決軍國坐使廟虞移旋蟲鑄神十二鑄鼎九
豈獨毀鏡資冶工長安改元齒垂暮白馬主骨埋蒿蓬
慶林觀隸合州境觀主祈福陬愚忠書年若卒月若匪
煙神誦德長延洪鳳閣所獻未傳此壹貳紀數紛交訂

其書曰朔尚從日如恐二日行天中上陽遺制去帝號
氣機嘯應將毋同問誰逆挽致鄰郡蒲牢吼遶霜江楓
昌丰士女候昏旦穢聲一洗歸圓空景雲篆銘尙傳世
李家孱主光熊熊是鐘先成僅七載角正脣舁厥腹空
牝朝畱蹟玷彤管敢配鼙鼓音逢逢敲殘夢落瓦官寺
裙幘撰記輸龜蒙

閩中教場傳是張桓侯所闢

千步場開石累成腹心一將豎雄名讐人肉在吾將食
死豹皮畱賊自驚刁斗至今嚴舊號陣圖何處擁神兵
和門日落風雲壯不比魚池草蔓平

文湖州祠

漢平帝時梓潼文齊守益州子純世祖時守北海宋史以同爲文翁後誤

兩京文太守支裔混廬江舊里桑園郭空祠竹埽窻不
傳丹竈鍊盡說玉棺扛一事輪坡老湖州蹟未登

除日尋琴泉寺塔址塔圯於庚午五月所藏王

錯妙法蓮華經殘葉曾於錢籜石前輩寓齋

見之何大令挹斗別購三紙相遺率題其後

琴泉吾一遊杖屨緬猶昨歌管嬌上春慈航蹇棲託朝
來來射堂中垞響膊膊桀石誇超騰鼓刀駭揮霍萬夫
競一闕荏苒日西脚世間聚散理塵草感輕弱除歲尋
枯禪好事不吾若寺旁窳堵波燿受祝融虐敗礫堆困

輪遺壇露圻鄂方當營造初千花湧簷閣鎮以貝葉文

束笋卧交錯就中轉法華吮毫意縣邈名如降表僉稿

異擔簦削願力叅成虧鼇戴失盤礴但聞煙冒井

縣卒薛忠

言塔圯時縣前井有煙歎湧兩日始息

無復風語鐸後山功德水未可測

蠡勺禱雨雨竝施旱夏通微漠龍靈與佛慈稽首向瓔

珞惜哉希世寶殘楮亂飛籜紛紛粥飯僧坐視隔胲膜

多君惠數番快比噉雞臠雖乏仙丹裝應類顛米攫誰

歟王侍書體態遜綽約雲看妙鬢護池想摩訶鑿傾囊

炫暴富歲酒賀相酌如聞餓隸言送窮葦船縛

袖東司馬自安岳馳索拙書以詩奉報并寄紙

乞畫

毳幕羊燈勘羽書玉虹閣下吏人虛知君笑戴春星返
紗帽籠頭作去歲除

六草三眞分未能偶然落紙簇秋蠅豈知水碧胡僧眼
誤把雲間一派稱

青藤逸品擅家雞奕代風流冠浙西一水一山須乞我
者般白繭勝鵝溪

潼川郡學宋刻千祿碑

魯公二顏後家學溯匡正勉識忠孝字鈎畫儼生敬適
來鄴王城四望企遼寬劉冢廢甕率庾碑剝護聖枚枚

夫子堂象石尙輝映旁有環堵居圭碣勢雄橫是爲干
祿篇三蒼備釐訂部非叔重分訓豈子雲賸丁朋戒天
斜束縑辨合併於焉筆牋劄點勘無餘病中材處末流
尤悔集言行妄撓韻孫念嬾諷鄧侯令伏獵蕭郎稱杖
杜李哥命小學雖區區罔不係賢佞我公生是時好古
稟天性一麾守吳興行笈藉撫證手書勒東廳搨者走
相慶復有蒐討功聲韻力斯竟包羅浩如海研析照如
鏡卷成三百六崇文總目公韻海鏡原十六卷困學紀聞作三百十六卷視此殆庭
徑此傳彼失傳落筆想撥鐙公書遍華夏柳脚媿揣稱
重摹出字文時筋力賈餘勁取配開成經鼓鐘振羣聽

蘆花淺水得方字

釣罷蘆花岸船歸水一方
篙輕痕就淺枕短夢分涼
瑟瑟颯風華老慳忪夜影長
逗天青窈窕倚月白茫茫
隱去還窺渡熱來每驗霜
但應浮海粟豈必話滄桑
紅墜芙蓉渚黃侵橘柚鄉
坡仙吟興永蓑笠伴相羊

漫波渡古藤

渡前老藤如怒虬虬身籠劣大蔽牛
三本五本門神力高樹竇緣緣天色樹
槁藤縈藤亦樹是樹是藤偃官路
繁花碎簇霞鋪繡
一掃青蓋傾君不見青藤入幕
汚人口青蓮不落永王手

重入竇圖山秋塘瞻菰穉莊繼至

細馬春波緩重尋豆子明半空開合影前度去來盟雅
近神仙窟粗兼吏隱名良辰逢小暇先戒爇香迎

覆厂欹妨帽安梯劣避鞦靜聞花氣湧豁見麥芒排題
識人難遍盤桓客可偕一輪推法藏輾轉笑生涯

屋後峯還峭纍纍累卵同到頭仍漏日繞腋儘生風珍
木依亭瘦幽禽覓路空只愁蒼磴幻鬼怪眩青紅

幾面鐵橋飛橋孤草樹菲急投千丈下薄采一枝歸吐
嶺深鐘滯通泉短杖違流雲眞愛我造次滿征衣

升菴看梨花與赤南和澹園韻寄榕巢觀察

清明花好數梨花院落溶溶月照斜不比櫻桃風候冷
夜燈深掩讀書家

去歲花開巧背人今年花發淨歸塵升菴菴主歸偏晚
雪嶂誰消萬斛春

花太穠繁葉太疎願分津潤到霜初一堂詩帖流傳美
值得涪翁手自書

幾回低酌幾長吟欲鬥棠香信轉沉多少凱師鬪歌舞
小園如許不知尋

紫竹園女史陳絳綃以詩索升菴梨花與澹園

赤南同和其韻

幾片雲衣路隔塵滿園紫笋笑爭春一枝拗斷闌簾影
賴有擎箱作使上人

綠窻如水夢初回艷雪紛飄冷寺隈拈遍彩鸞新韻本
不將幽蕊釀雙杯

寒食嬰春雨竟休爲花持護替花愁碧苔亂委無人埽
分付瓷瓶是硯頭

陸生促坐醉飛揚沈五狂題也麝香畫取折枝屏障軟
好攜煙景到江鄉

次郛縣

不盡杜鵑聲風催綠遶城相逢采茶女勸作采桑行江

壯分沱入山遙點雪生醪醖春釀美甬醉凱旋兵

揚子雲墓距郛二十里不得過

新室比元公金滕耀圖冊特有文學臣應運光廟祐法
言擬魯論太元擬周易著書矜滿家六藝漱芳液直同
孔氏尊敢共孫卿斥班爵中大夫豈止執卽戟惟時秀
與章符命眩狐帛臣愚拜稽首肝膽銘新德其文皆雅
馴其誼太詭僻投閣悲見收遺骨臭相積而何傳異辭
奏賦甘泉夕寸腸出納餘若鳳墮輕翮事在孝成年地
有子雲宅以彼淡泊心匪爲榮利役寧知安漢公亦襲
謙恭迹言僞行則堅兩兩試拙繹我懷汎鄉侯風采樹

曠昔終爲漢賊戕不獻秦皇劇一忠復一佞萬古著鄆
籍結亭亭未荒過墓墓難式告語問奇人忠孝字須識

桐花鳳

我聞梧桐高高鳳凰宿合以紫白顏膏刺種有六陸璣
手疏終失詳春仲始華是榮木未聞鵲占窠頗見鳥投
乳實登邊實材中琴豈假游禽炫毛羽鵲城三月花風
顛古桐花吐杯口圓蜀王歸啼血濡縷化作紫玉籠春
煙煙輕露重滴不下香影絲絲惹羅帕忽聽秋將連隊
行尾長驚短啄花罇滿身金采花濛濛吳孃百襴腰裙
紅醉花一陣悄飛去旦晝晚與三朝

馳遙切

同鳳來何從

隱何處
華落梢空月
在樹
紈扇猶煩入
畫傳
玉釵那有
收香助我思
候禽時鳥紛爭妍
爾雅多缺蟲魚箋
綠毛
之名坡未然
王郎浪得桐花號
此鳳此花直一笑
桐花
瓣單
而近紫大如槿
如戎葵而受露較香
鳳如雀而小毛采
頗陋且則數十
百集花中少頃而
去晝晚復然間有
掩
得者即斃坡公以
爲綠毛么鳳好集
釵上者殆
誤漁洋郎似桐花
妾似桐花鳳之語
亦臆論耳

雲巖相公凱至成都枉綏見過

將相旌旗拂露濃
拜恩何止錫茲彤
韋平福量延門
第方召勲名被鼎
鐘羌戶即今殲白
狗蠻碑終古誓黃
龍
岷江水是天河水
盪洗戈兵及惠農

車書禹會遍梯航
滴博蓬婆彼一方
雙堠焱馳連石屋

六韜雷動換牙璋天經小漏痕宜補郡棄荒厓策未長
笑問西南夷列史何人走檻梏蕃王

朝聞土婦獻備胥暮躡降奴下斗墟聚米便知形勢盡
勒銘聊記事功餘丹旂告禡金維奠白組成伴雪徼處
地利天時憑藉久稜威今震格丁書

饒歌聲簇錦城春手取西戎語最親平蔡自輸行幕客
封轂不忘倚樓人

時見訊趙光祿後人

歸朝鞭鐙精神壯盡閣

冠裳氣象新爲是清時鉉鼎重角巾東路漫抽身

隸人於院牆外掩鴉雛二食之甚美

月黑號怪鴟如鵲亦如哭憑依在何許齋西不材木伴

訓狐夜嗥效黠鼠晝伏謂將喚我魂切齒到僮僕擢樹
斧作薪養惡禍宜酷旬來欹枕安意外見飛撲炎燎秉
祝融強弓張砮族攻翅兼覆巢二雛幸可肉狀肖貓頭
圓勢學鷹爪蓄欲期醜類殲豈敢卹胎殞炙法傳漢宮
信美冠鱣鱗何勞見彈求差異置契逐見物類
感應志蜀人競
相笑是產遍鄉谷是名鬼登窠見物眴圓目飼之既辟
邪縱之或致福大軍開牙門得梟勝預卜向使懷好音
何至誅聚族愛憎易顛倒事事怕隨俗一鳥良區區我
直爲口腹破獍祠軒轅茲意爲君告

喜述菴至自軍中抒舊述懷竝感璞函漱田鑑

南諸子

磨盾千程去，弢弓幾輩還。喜深號涕迸，別久語音慳。淇
隩班荆後，滇陬叱馭間。從軍能贖咎，得侶荷投艱。霧毒
金沙水，雲昏鐵壁關。未須驃樂奏，稍及羽書閒。士燮聲
名重，虞翻骨相孱。更逢羌尉告，頗近蜀邊患。蝟角紛思
逞，羊腸險怯扳。層紉轡，藹藹編笮浪。潺潺大將先，移指
偏師各。整顏前禽占，不戒瘼大性。逾頑轉餉流，如水連
營鎖。似山夏峯埋雪，弄宵燧映星。闔斧爲敲冰，缺蹄因
奪隘。殷矛炊期反，哺戈枕嘆長。鰈數載勞，傳檄三霄寵。
賜環手看飛，霹靂鬢訝換。爛班百戰功，全定雙麾令。弗

姦白狼歌振旅朱鷺聽平蠻執訊齊懸葉旋歸適秉蘭
我宜迎候遠君覺過從憫拱拜儀文澀招陪刻漏還巴
音腔最雜楚舞影頻彎焚尾深杯盡遨頭上座爛細談
惟菽苑散跡自朝班報國文偏壯懷人泪忽漕縱教
銘石碣無復唱刀鐮骯髒門難倚姬媼橐忍刪疆場多
節士好采播通寰

長洲孫孝子孝蹟雜咏

藪爾一抔土蒼然數點山山形堆似米負米客無還

右米堆山

結廬在鬼境風木號不斷夜窻人廢眠惟有鹿來伴

右居廬處

南岡復北岡親家墓相準子種松萬栽女種松一本陸君葬其父於此手植松一株人稱爲孝女松

右萬松岡

春渠泐泐聲鳴遶墓田去去水不知回飲源渺何處

右種林渠

莫嘗梅子酸且折梅花古見花不見梅白雲凍蒼塢

右梅花塢

宅被恩綸表圖教禮殿增洞庭山翠晚倚枕數祠燈

右雙旌祠

金花橋

金花橋上春人行
金花橋下春水鳴
水行東下人南上
六對好山遊不成

白鶴山憩魏文靖讀書臺至北山拜祠象不及

尋胡安點易洞

朝絕瀦水行
驕鳥勢已酣
遠嶺堆雪華
太陰沁心目
欲往路孔修
徜徉就山曲
油油黍與禾
窅窅樹交竹
登頓三墩成
石氣逗寒淥
久荒白鶴巢
庶見少師躅
少師起邛邛
奉諱搆巖麓
造門多哈巾
入室有餽粥
去國十七年
誠正耿幽獨
垂暮邀御題
未遂首邱欲
墨池光泫泫

講臺影肅肅吾鄉洪洲老碑蘚幸堪斲酹公公不磨北
走磴紆複衆峯環一峯金界暗楓榭鳥性悅茂林鐘聲
闕虛谷可憐理學臣佛火伴栖宿緒言墜前喆渺解九
經讀尙聞點易處窪洞掠蝙蝠蝙蝠嬾爲著屐尋且向守祠
勗鶴去鶴終歸千年斷樵牧

青衣橋雨

青衣江樹色青青到峩眉拱盡屏拚向一年遊一度
妬人涼雨打橋亭

相嶺娑羅花甚多向未之見作歌紀之

邛崃關插九天上隻輪悄返馬蹄向夾溪夜落礮聲強

滿岫午蒸嵐采漲頑雲飄鬢涼絲絲上界鋪滿銀畱犁
斗然矯袂抗雲表寒箐無猿并無鳥天恐王陽引轡回
繡出娑羅慰枯槁花口大如杯花鬚折如綫五花八花
擁一團白者水晶紅者茜紅能燒嶺白照之攀折親爲
相公奠相公南征不過此漢家木官地難指行人指說
山枇杷一種繁華付流水花乎花乎遍嶺如遍園平看
萬里迴雪峯攢攢

漢源宿

清溪學宮在此
時將移置邑城

隋縣何年併民居一園喧竈多山失瘴嶺斷漢生源問
價樵蘇賤聞歌禮樂尊自來邊戍地談笑訾西蕃

白槿

旌節稀疎菑苳窠瑤杯難得覆枯槲不妨竟信儒林語

改作川南白及花

田敏不知日及改爲白及見宋史儒林本傳

火澣布

嶺州海棠砦六月凝晝寒兵家擅織作爲布文闌干一幅
僅盈尺八幅名一端受質苦麓重濕腐含瀾漫但納羹炙
汚何補裳衣單我欲揮裂之館吏請少安謂足界炎燄垢
膩無畱觀本非廢與麻亦非綃與紬并非白獸毛經疏徒
欺調山厓不燃草扶寸根孤蟠采之旋緝之杼柚資人官
獻者報章易購者連簫難誰謂火性酷生

氣中不乾誰謂火德旺陰氣長作團至人戒語怪塊軋
洪鈞完升菴辨石絨所見非不刊焉得鏟層障萬頃檜
華攢奇溫被華裔盎盎騰餘歡茲布信可棄勿燎脂膏
殘茲草倘可拾且供薪釜餐

猿葉坪宿

意外明墟火逢人乞酪酬六時寒帶暑三戶夏分戎
薈荀侵檐白林檎映盃紅笑看山太古倚枕水聲中

翡翠鳴衣桁得園字

一桁春衫挂禽華樂彼園機中摹樣巧座底哢聲喧誤
認人家人欣陪女史言咬咬簪隔陣足足絮連番偶當

蘭苕借長兼組綬翻舊游魚沼靜遠語燕泥繁杜楊君
休污荀爐我試溫好音聯袂處還帶碧梧痕

蜻蜓立釣絲得亭字

理釣人何往維絲下驚汀儘迴飛欸欸端共立亭亭六
足翔應倦雙暎逗最靈颭風斜護影漾水妥潛形蘋際
兼沉餌蘆邊自織星魚窺紅躑躅雀伺碧鈴蜨抱葉蟬
差擬栖苕翠孰令綸收踪去杳倚坐思冥冥

瀘山蒙段祠

祠塑女郎象相傳緣柏上昇藩僧
半空招之惟明季蒙段祠榜僅存

邛池枕蛙襍遊眺記疇昔淫霖倒海門對岸沒蘆荻漁
舟剝木爲兩兩效編柵延緣泊寺根深恐地維圻草草

網巨鱗遶問小蛇蹟今年暑漲遲重度葦間宅波光映
石戶鳬鷺響拍拍峯如芝菌抽寺比蠓房窄偏裨舊詩
版戰血炫狼藉闌檻倚孤青村莊點虛白向後祠一楹
蔭以千歲柏盤旋獻左紐寸寸象牙色云有翠袖人緣
此肖飛颺梵語招半空圖狀狀巾幘所幸祠榜存祠主
我能識六詔蒙最強段興土斯闢北窮大度河南盡永
昌驛漢夷苟服從思慕共無斃豈獨張翥祠斬牲報明
德末流好神怪一例附仙釋願撤土木骸奮向池心擲
不見白帝城不見江瀆壁

江瀆祠壁有
李順畫象

蠻疆陰候凝有樹翳冬葉作花夏至前如雪綴安帖有
蟲蟣蝨如託命效蠶咬食葉兼食花覩望逮童妾糗糊
交糞涎在樹委重疊薄采急相煎片片手紛拾亦有冬
青枝散種法逾捷一蟲散萬蟲八月收滿篋論升費接
羅倚擔輕跋涉利同割蜜輪數異壓油劫廣物異名疏益州有壓油
蟲壓之油盡投水則油復生內典所云壓油殃也安得攜與歸似蘭孕仙蝶皓
首事明經更補癸辛牒種蠟法見周公謹雜識

寧遠歸次雜題

十日崎嶇一日平叢殘夷落戶編荆三年前事分明記
瀟路官衙白芳兵

吸華絲冒舞衣斜舞女風流屬漢家獨有西天清淨果
一生修到貝多花

來禽青李蔽山厓栗葉連陰栗皺排却向文園治肺病
瓦盆石斛露金釵

青谿關路黎州外鑿塞紛勞紙上談天水七朝邊患少
爲將玉斧斷雲南

泚水異名湑沫水南安東會大江虛怪他三寫成泚字

欲賂蘭臺正漢書

地理志汝江縣泚水出徼外南至南安東入江青衣縣大渡水東南至南

安入泚說文以泚水出汶江縣徼外東南入江以沫水出蜀西徼外東南入江沫蓋卽泚也呂忱亦作泚水顏師古漢書注泚音哉集韻泚或作泚其爲泚字之譌無疑

平羌爭渡石欺篙，濱口橫飛鐵索橋。截得彩虹天上坐，

半輪山月鑒分毫。

雅安鐵索橋旁新
建一橋以拯行者

稻花香細豆花清，日暮琴臺酒就傾。目斷銀河秋射角，

教人何處問君平。

二江終日響潺潺，杜宇昇仙去不還。笑指惠陵桑柏在，

一鞭斜落七星間。

昇仙橋卽驅馬橋一作昇遷橋唐書
謂之昇遷梁在北門今南門外昇仙

橋殆係
附會

題響泉峩眉吟稿並敘其體送歸梁溪

開口笑移疾，宴如觀道心。言從大暑候，獨宿峩眉陰。山

雪照古色，山潮浮古音。袖中攜一卷，可以譜雷琴。

秋月漾平羌懷人江水長煙濤下三峽夜火暗丹陽卽
此具仙骨誰能迴佛光梁溪近甫里彷彿鱸魚香

成都五年住都似浣花翁君對浣花水長吟太白風餽
糧百戰後爲政一家中千里舉黃鵠知予歸興同

白華詩鈔

南漚 吳省欽 沖之

里區集四

起丙申八月
止丁酉五月

陳和軒招同楊鈍夫呂陶村浦蘇亭寶青巖高
月峯楊仁山馮小山集城南武侯祠精舍

丞相祠堂勝草堂平消秋暑鬢生涼二千尺蔭森森柏
八百株圍曖曖桑畧檢琴書叅法座竟攜葷酒破齋房
心知萬里橋頭水不共行塵下故鄉

巽巖冠蓋錦城闔各算軍儲問計然休沐尙容偷暇日
應酬還當會同年巾車一到人皆主羽扇重搖我亦仙

看取大名題壁好長安雁塙要分傳

仇英投戟卻虎圖

楊雲蕭索龍匿采石城踞江東竟海稱王稱帝耽視雄
甲械兼儲勇百倍折衝校尉興義兵舉賢任能孰與卿
曲阿王氣產白額肉人肉馬飢腸撐人驚虎驚箭沒羽
碧眼迸裂人亦虎黃金戟枝飛電雙卷地吼聲若擂鼓
帳下健兒鬚夾頤心膽慄服顏死灰紫髯主公磔如戟
一將滿獻雲山壘君不見景升豚犬跡漸滅五官竿柘
技趨絕斫案已敎鼎足成爭橋更詫鞭梢掣慶亭埭口
風搖腥一時人物傳丹青秦盧越棘鍊長鎖鎖鐵萬古

沉沙汀

題蜀字匡謬示諸生

長卿撰凡將子雲成訓纂西京尙小學再傳見已罕六
書縱就湮破體得其半奈何沿末流草草便增損豈惟
混丁朋直欲淆墾懇此傳彼爭受滿紙結蛇蚓不思復
不學楷則遽斯泯卽以干祿論北轅引南勒 國家令
寬大藎雨禁從緩無多奉諱字汗青事編剗臨文禮不
諱泥古誤非淺請看孟蜀時石經耀龍轡一逢淵與民
缺筆形宛宛使者良區區化俗面滋赧勉將文字緣講
諷刮羣眼毋謂風會岐蜀學綜前典

九日竹軒少宰邀登貢院門樓故蜀王府

蓮房粉墜鈴菊排瑟居丈室廬縮蝸欲風不風雨不雨
折簡屢費材官差侍郎下馬十旬日飲馬便飲摩訶涯
曲池已平闕門在鼓角遠和譙樓皆蜀王雅著秀才譽
周憲樂府名相儕求師爲從遜志學遷骨更把金華埤
一朝故官委蕪礫牆雉無恙紅如指升高望古思何限
行止偶爾波綠簿往年駐軍過重九翺舍累甕峯橫叉
彩糕欲題苦未敢廟廊西顧紆

宸懷今年拔旆勝拔宅栖畝况復連萁稽蟋蟀之詩采
唐俗義取後樂非浮哇下隲萬井洗兵氣有酒直得傾

長淮明年此門闢秋賦走也無便投櫻鞵軍儲無數覈
成數雙節想亦回天街當樓忽聽雁聲墮玉壘山氣凝
夕佳

泊黃龍溪

三舍華陽道迷離晚翠封大江縈赤水何代現黃龍甘
露碑終泯彭山堰未壅欲知禾稼美夾岸酒香濃

彭望山

柏人迫於人隆準義不宿征南行溯江旗鼓震艫舳是
夏監護戕并蛙計頗酷明知地名惡宜戒軍候肅賊來
暗如鬼尸氣積川陸難偕彭祖昇徒遣吳漢哭興王卜

天授人已喻心腹一死事偶然盡象麗丹旭論古辭激
昂覽今槩雄獨擊楫暮雲蒼岵唳萬山東

彭冢

三尺階前進雉羹堯封只合住彭城如何西土羌髯外
也把荒墳認老鏗

商家藏吏贊修同譜系何人冒陸終不及青牛周柱史

混元香火李花紅

論語老彭注
老朋彭祖

草草人間八百年南山石柳蛻新仙早知天上鞭笞苦
悔習房中御女篇

蘇祠

蘇文生喫菜羹蘇文熟喫羊肉其人已往文尙存何止
因人愛烏屋四年三過玻璃江江風刁刁催盡艤今朝
風利泊沙渚一渡再渡紆輿杠卧牛城闕翳煙莽紗線
街頭致蕭爽解帶先圍古柏粗捫碑細剔春苔長東坡
居左潁濱右文安主簿笏端手名命如聞醮璣呼經傳
尙憶循牆走一門謠詠弄機權子瞻謫詞有父子兄弟
挾機變詐驚愚惑衆語
百代光芒射斗牛龍眠寫生神不枯玉駢輟贈眞吾徒
木假山堂倚丹檻勺水涉趣同江湖王侯甲第滿朝市
宅廢祠成歲難紀詩版頻邀玉節題堂後懸王
新城詩版劫灰幾
被紅巾毀撞鐘伐鼓三瓣香炳靈江漢歸舊鄉光佑蜀

學化蜀黨井絡一氣登福昌

泊下巖尋喚魚池至流盃池小憩

水縮灘愈強榜船睨石罅避石趨凍涔一落陷腰髀緣
坡竹離離未曛黑於夜逶迤就蛇徑佛閣聳高跨閣後
千仞岡飛翰奮難借府江洶我前欲挾岸俱卸出閣改
向南羣翠赴巾幘琤潺荒礪邊絕壁斗凌駕人將跂跼
題客待璵瑜藉喚魚魚不磨顧影漫悲詫隔礪三四峯
屋上屋還架策策籜聲死斑斑鳥污化厓屨蔽洞口藥
氣撲香麝緩帶稍流連流觴竟須罷

自中巖寺懷王上巖

精藍隱重椒續斷發微磬取徑循山梁風壑雜清聽壑
枯泉尙澌照見衲衣病三上上法堂苦莽沸聲定山深
擁爐早汗雨拭旋迸遙指石筍間渾沌結孤勁異僧扣
魚鑰嘶然若破甑橫分一二三好事足乘興導我長明
燈歇我虺隤鐙爲恐凌風翰一誤落虛穽怪藤牽客裾
滴露看逾淨劇遊遇新險欲乞聖僧平栗狙紛竄騰竹
雞亂噉應長嘯毋久畱瘦筇託孱命

扁院調水丁東井

丁東院外丁東井路介宮牆五度行點滴細傳環佩隱
煎嘗孤負瓦鑪清墨池徑澁積新構鹽漑灘危失舊名

誰似羣公題賞處醜醜灌頂耳雙明

嘉州判筆應手聊紀以詩

舊鄉近吳興遷毫動盈把都門劉必通聲價震朝野書
訣吾不工久躍玉堂冶非無揮翰時每倩寫官寫泊從
使西川官事手難假墨筆畱諸中丹筆告其下煌然紅
勒帛萬目視取舍粗宜眉視粗何苦購宮瓦有吏抱牘
來一管妙嫻雅濡染狀淋漓點畫致瀟灑俾我青頭雞
五雲袖間惹心知嚴永法此地無存者物遇重圭璧數
違輕土苴願乞續山遊畱題面還赭

以願門集寄義眉諸寺

半天佛閣費登臨
幾樹濤松悄和音
笑倒酸寒白居易
只拚一本度東林

玉帶山門鎖未曾
前身我亦住山僧
無端妄學驚人語
怕遣茶毗落夜燈

平鄉峽口望多時
願海蒼茫結社遲
畱得者般公案在
篋中分配海棠詩

高望樓

西川奇觀數龍游
山上高城城上樓
峯點蛾眉殘雪秀
峽批熊耳大江流
竹公祠廟神何在
草寇疆場事已休
須向凌雲賒白酒
人生幾度度嘉州

清音亭是凌雲最勝處

我昔登大嶽兩翼傳天咫下視嘉陽城微茫混雲水今
來集鳳臺冬旭獻妍美左盤盤右盤危樓面人起平砥
枕方池池墨亦枯矣當其洗墨餘亭扁蔚霞綺清音勝
絲竹幽景謂止此豈知登眺初江會會漫漶搏激爭豪
雄并力走南紀蛾眉照夾鏡顧我目成始復有一青螺
捧出銀盤裏想象椎鑿功秦守今不死曠如復奧如萬
象赴檐底巖壑飽大觀浩呼坐移晷酌酒忖坡仙何因
去鄉里

晴沙於凌雲古洞伐石肖海通師象作歌紀之

海通師乃是嘉州九頂之住持一目智井一離電照澈
三江江底潛妖螭妖螭吞舟如葉百千葉青衣錦水怒
相挾石根助虐排機杖殺人劇甚短兵接師非仇石石
仇人薪燬斧敲十僧臘前摧後拉中漸窳我佛分蹠端
趺跏二流溶溶滙腳下左右纏繞雙青綯壘山作頭俛
頽浪高閣七層影搖漾醜除菑溺航衆生仁王懽喜海
童悵當年經營分寸資佛財布施無主心死灰手剗隻
眼應賊吏衛民衛道天終回君不見焚香肖象報師德
洞門窈窈大書刻洞邊何物是千峯兩眼肉身汗顏色

烏尤訪青衣神祠不得

蠶叢昔開國遺教嗟渺茫惟聞衣青衣勸課農若桑其

神享廟食云在雷埵旁雷埵卽離埵

見寰宇記

沫水衝適當

於今爲烏牛輿地記失詳

輿地記烏牛山一名離堆當以離堆爲本名

反令

灌江口名冒離堆長我誦酈氏言南安灘勢狂鑿平賴

李冰江會流湯湯又言開明帝故治治是鄉有功民不

祀舊蹟湮洪荒不識青衣神不傳青衣王却傳犍爲郡

剖竹啼三郎俗情驚語怪考古心俛俛登城望明月千

載堙湖光

嘉陽晚發

畫船打鼓逝徐徐回首烏尤落照虛曠代蘇黃垂盡後

諸蠻袁董太平餘沙明野聚迎嘉樹春暗江流負拙魚
却記年前灘漲繫半輪山月影何如

健爲尋邵公濟祠

祠在資聖寺後

在宋擊壤翁世學出天聰聲音通律呂皇極託根紐洛
橋啼蜀鵲默默忖陽九時語汝穎賢避難盍先走天彭
井絡間爾宅爾田畝子文一使蜀攜家赴官守青蓋降
青城幸及免虎口安坐綜聞見次第錄某某此老亦吾
師小築犍山右爲文告宗祊萍泊事非偶當時弦肄處
邑改人不朽破廟介龍池草逕颯柳金仙座擁前木
主龕蔽後後山圍翠屏石氣潤檐料迢迢經世心觀物

復何有寄聲白足禪殷勤汜茗帚

清水溪先孝女祠

孝女名絡姓先氏符縣人父尼字和叔爲縣吏墮水死孝

女自沉出其尸蓋在今合江縣境范書以先尼爲叔先泥和以先絡爲叔先雄今據華陽國志水經注太平御覽正之祠在犍爲縣東南二十里江上近人碑及木主又誤以爲淑先雄楊慎袁子讓皆指爲犍爲縣人亦誤

有女遭多難親裾憊莫拔爲膺公府命竟入水仙班溜
急尸長逝春回信尙慳全家行彳亍偷息泪爛斑魚腹
防深葬鴟皮絕遠還獨拚衣去苔藻相顧繫珠環令節
南園外扁舟北渚間攬身投惡浪驚夢感神姦六日詹
非爽千秋史不刪曹娥爭輩行張帛訊鄉關符縣祠雖

廢健江蹟共嫺紫雲排屹屹清水寫潏潏名籍傳疑定
碑材請命頒禮寧遺弔溺孝本足矧頑渡影紛巫覡濤
聲咽焚蠻東京風教美敬采播人寰

朝陽厓卽李冰燒蜀王兵欄處

鐵兵今銅兵古異哉馬彪志地稱王兵劉昭借把范書
補王兵王岳三寫訛惟有縣厓照水赤白元黃尙如許
雲斑霞駁薪所燒冰兒膽氣威粗豪圍腰白綬作牛鬪
爾欄何物爭堅牢蜀王後戶瞰巴焚踞險藏兵時啟塞
相對還疑彭關門自大真同夜郎國東方牧犢雄涓汙
力士蹋破囊斜前塆田鑿峯任賢守利使兇甲浮汶川

火行燬石石靈驚狒狒攸攸燎煙接燄烈非緣埽竈炊
灰殘那比焚書劫赭山倒江江沸紅萬魚潑刺鬚迴風
楚鱗不上蜀船下長鎖裊裊攔江東唏噓乎哉秦不自
哀我哀蜀杜宇一聲裂崖木

偕續松亭大令再過流盃池

去年迫按部不續涪翁盟謂俟舉科試試戲陶我情小
黎接大黎多恐山雨傾箋天快一諾連日暄冬晴松亭
繫仙牒意槩超塵纓兩槎亂流渡笑比輕鷗輕黃葛瓦
新店翠甍抽廢塋西江舊遷客三黨遭鬪爭邊州詔安
置孽萌心孤清木機爲性命溪鳥爲友生偶然侑栢杓

涓溜交泠泠新恩徙內郡遺蹟馳芳聲古之羽觴制尾
翼光有鶯元公暨內史禊飲咸取精盃如孟而大泛水
膠難行豈知兩耳孟唐賢資品評盛山十二咏渠勢流
盃成居方妙轉圓習坎占利貞青神昨遊處此老池亦
名若較山水勝奚啻中州倉嗟哉薰與蕕憎愛區寸誠
黨籍出京手無復碑高撐人愛池上酌我愛池畔耕披
苔記前夢姓字鐫硜硜

鴛鴦坊弔漢黃帛

夫者張婦者黃湛者鴛浮者鴛水滔滔天高高音沉沉
心搖搖妾沒彼妾出此妾手夫赫然起西家咽北舍說

南廣津東京日

次南溪

服溪晨弄槩造次次江城山靜支琴卧灘寒挾鼓鳴
僮知自富巴婦與誰清竟伴鴛鴦死哀哀女史名

泉之喆惟各以書告純甫之歿

萬里寒鱗累牘黏披襟何意泪雙霑折除翻恨科名大
變故休言藥病兼角扇乞題無閉戶羊車行駐有窺簾
曇華一現眞彈指孤露生成不可占

官樣文章悅體書過江名士更誰如論才蚤幸言多中

去年會試錄至諸公言沈魯泉當狀頭予
曰沈似第三人狀頭必純甫也已而果然矢節深憐報

尚虛魂逝方千金榜後年輸李賀玉樓餘一尊他日圓
頭話萬恨填膺歎祝予

瀘陽大佛寺左爲花乳巖右爲少鶴山皆予所
改題可垣因以乳鶴名其寺

崇阿涌丹霞累構密鱗次負陰面江城一艇亂流至青
巖陷白沙抖擻陟初地蒼广栖金身斧鑿肖靈慧繽紛
妙鬘披絳繚盡幢曳闍黎苕帚忘空挾鼓鐘沸平頭見
外江側掠山鳥驚當宋當塗高一麾治神臂治遷德弗
諼山名我乃昇名爲少鶴山勒以擘窠字其右花乳巖
本名豆

腐石

更使穢名避齋堂介中央如夾兩媵婢者番獲

改題割裂具深義乳求法乳垂鶴記鶴林事巡檐得老
梅欲笑我遊戲匆匆噉粥來曾印雪泥未

臘八日可垣大牧致原大令邀入方山自下雲
峯步上上雲峯暝反石棚放舟東下

首塗指藍田

名壩

南有入滇路背之西北馳薑蔗塞沙步

緣江不見江江外山結互斗然彼一方嶽嶽豁煙霧期
我歷上頭又隔石棚渡欲速反就紆洄溯遂游溯嘈嘈
野市喧瑟瑟林莽互分明九九峯峯影暗吞吐數里穿
寺門尙在廣平處前堂頂後堂未燼戒香炷云是受記
徒是蚤法衣付言飯香積厨載撫春浮樹仰面巖徑懸

兩翼勢難傳題無贊公房蹟有漢兒墓眼光忽動搖寒

流繞匹素是爲來處江中水了無與始知悠謬談耳食

到酈注漢世祖祠江陽兒事近誣道元誰邊雞亂飛嶺

半引吭唳黃花三兩畦病衲趁犁具穉松長於人密密

滴蒼露攀援踏上方眷屬寄常住門外石一拳慧千履

所指門內池一泓慧知杖所挂金鱗隱蒹藻想待聽經

故多君勸畱題剡刻事條疏使君巖固然庶子泉則詎

隔年踐勝約恐被古人妒來輿返以舟來晨返以暮吹

燈坐圓蓬擁褐語猶絮分噉粥一盂夢逐僧版去

可垣遺吉州近刻六臣注選賦疏解而以生雉

先之頃述此間士有書摯見作雉見者笑題
其後

堆案倥傯選學荒巾箱那得及青箱江淮舊侶嘲嘲否

一語公然託贊皇

德裕自言
不蓄文選

此書鏤板九經同鬻市還應恕老馮道難得廣都裴宅

本細燒官燭寫三通

宋葉六臣注有廣都北門裴宅即
本宋景文自言手抄文選三過

李註從頭作鄭箋升高不愧大夫賢臨風漫嗅馨香起

繒過安仁射雉篇

六摯沿譌到士流秀才一半笑全休

宋諺文選
爛秀才半

投詩分

少瓊琚響爲把人文記吉州

寄題富順宋儒賣香薛翁新祠

我登鉤深堂俯仰弔程叔傾懷治篋翁配耐讎改卜薛
翁心迹同賣香給餽粥居鄰雒水濱行過眉山麓薄午
局雨扉意象肖枯木一語砭袁郎

滋

理道探歸宿庶幾

抉經心易學遂在蜀蜀易昌資中

李氏鼎祚

集說三十六力

排冢中言鄭訓炳宵燭流傳迨熙寧義海手弗肉房公

審權亦蜀人

百卷書人事省禍福雖博苦未精有待雍繁複

是翁生是時約守屏塵牘善易不言易藉以遠朝局其
學無可承其隱信可錄其德靜如琴其品白於鵠君平
久棄世開簾匪徇俗笑彼洞與臺研朱耀巖谷新祠今

告成末由薦杞菊敢告鄉後賢青雲步高躋

峽夜聞雁寄尚濱

峽水化江煙江樓蠟炬偏一聲長墮地數影定排天倚
聽人偕遠能鳴爾弗先年來心迹嬾無帛倩分傳

試館右梅作數花雨中對之

凍枝埽窻上凍花落檐下翠禽無一聲官院曠如野寥
歷抱琴人霏煙浩盈把

安岳賈島墓袖東作瘦詩亭於前寄題二首

風樹灑泠泠孤雲落葉青殘齋僧入定苦唱鬼通靈逕
古畱樵跡祠荒剝蘚銘乾坤容偃仰長配浩然亭

白紵青山曲高墳小謝鄰生前徒病婦葬處自遺民尸
祝名猶忝風騷旨可親最憐京兆尹冠蓋沒蕪榛

重過佛圖關

元世祖紀
作浮屠關

層關削立字浮屠白虎蒼龍映帶無門擁塗山朝禹啟
雪消江水會巴渝潑城終古懸天險草澤何人占霸圖
重憶宋元攻守苦扶桑壩下日西晡

鄒忠介祠

一種朱雲劍槐廳少小年萬言懸象闕九死別龍泉理
學標華衮儀容抗細旃世間難了事驚見逐臣賢

釣魚城弔二再生

治王及信王惠蜀八十稔破家由逆曦蜀遂無安枕北
人責敗盟游奪錦江錦但苦兵役疲孰取形勢詒安撫
招二生入幕計勤恁築城二水交滿挹天池飲珏也來
繼之神勇過狼暉直使飛礮風大敵殞寒噤乞降自王
立萬命拯釜飢叢殘祠壁間相向錯趾衽申韓厠老莊
同傳不同品田橫島莫論張巡廟難審我懷籌障功鬚
眉動森凜何當酌一尊垂竿見魚淦

人日復抵果州

嘉陵江上日行人人日人來問北津恰是三年前過此
殘香炮火射洪神

東巖尋三陳讀書故址

潁水清灌氏寧淮流絕王氏滅巴有將蜀有相一西一
東兀相望將相之堂聚一門鋸斷盤龍氣猶王盤龍龍
自盤錦屏屏似錦台星迴照讀書巖玉潤金聲抱英稟
仁廟恩施優渥同秦公禮法謹嚴甚父教立侍母教杖
八十行年仲無恙大狀元偕小狀元鼎吉分占玉鉉象
識人只數希夷翁天綱題識驚鴻濊地靈一去一千載
彭池滕苑煙雲空君不見琪花瑤草玉簫碧榴皮夜裂
洞仙跡

敬齋觀察邀翠軒花下小飲

雨少風多次閩州錦屏雖好那曾遊
揜眉笑倚軒窻穩落手春山一角收

白白紅紅半吐含五年孤負曲江探
來朝戒報鼙鼙鼓糝到東鄰夢亦酣

說有談空霸氣降細傾短醖對疎缸
不知錦里遨頭會捶破胡琴日幾雙

燕燕前期去住忙著書學道我何嘗
槎枒肺腑無端起昨歲今朝縛鬼章

潼川使署東草堂書院故草堂寺址之半澹園

太守以少陵象奉焉三疊成都草堂韻

夜吟僧院靜晝邏使垣沈每徼東川迹長闕北關心失
時年漸老避地計難任萬里橋西路回看屋樹森
攜妓嘗呼飲將孥復破貲雍容四州守灑落一年詩袞
袞青山擁悠悠碧浪移瀟湘含睇邈停坐莫須危
穴險終離虎宮幽未探蛟孤亭朱橘樹雙寺綠蘿梢放
眼非秦甸營身似蜀郊王楊此遺翰慎勿炫前茅
草堂行處有公勝樂天翁一瓣分香遠三閭割宅同觀
書期貞犖畱盡影冥濛素壁陪芹藻流傳客話叢

說夢爲澹園太守時有令弟研香編修之戚

沈郎齒廿六寒夜栖館垣夢衣壞色衣朱履行軒軒邏

迺造一所署曰聞喜園四圍湧金界十丈飄珠旛諸天
塑一一尊者爲世尊禮罷詣西壁且擁團蒲溫定僧定
其上白業依法門東有老尊宿相對罷熊蹲形骸肖槁
木道氣藏六根定僧起離席手炷香微磨敬叅世尊座
鉢水清無痕持之獻尊宿吸斷西江奔舉鉢擲僧面僧
亦無所怨逕投尊宿懷舉衣相凌掀須臾抖七條僧影
滅弗存化成雨沙彌其一髮未髡頗露端正相合掌蟠
趺跟其一赤雙腳貼地翻崑崙轉身學胡旋風勢窮追
驚曲踊升玉龕蛻委飛精魂爾時鐘鼓磬鐃板聲交喧
衆生哭且讚如會孟蘭盆昇龕寘檐外待報茶毗恩詣

君請舉火宗旨資闡論顧讓老尊宿烏几嵌璆琨洒翰
潑餘瀋簇簇金花屯再請君再讓沙彌廩廼言琅然廿
八字脫口瓶倒翻君廼自持偈祖堂探靈源奉香爇龕
背三昧揚煇燉瓔珞裝妙嚴貝葉吹續繙九天曼陀雨
獻果紛經猿雄雞裂窻曉何處畱祇洹輪囷三十載掌
夢惜其原我於大雄教終莫關離籓多君好兄弟分體
同母坤雙清照名籍猶水淨不渾君遇稍軼軻芳抱貞
離蓀向非識力定焉得湔羶昏君弟舉省首取次搏鵬
鷖一朝赴玉樓黯黯膏自燭簪花宴聞喜苦憶聯簞塤
逝者往在弟生者今在昆生者修苦行逝者消宿冤頭

陀了粥飯循省心堪捫打鐘報圓滿應響通天闍

澹園以薑菹見餉憶別故園久斷此味旣受其

法爲詩報之

櫟柳攢攢綠送陰連塍嫩甲長薑心尋常風露提筐早
莫遣黃花似散金

羹材從古配珍鮭湯淪風乾榨更佳畧糝水晶鹽似雪
蘸灰封口甕分排

齋厨頗記勝官厨豕臠羊羶百不如最是一拌青蕪美
亂和茶飯嚼春菹

滬城蔬味壓糟香饒守無因遠噉將分付園官畱幾把

再攜壺曰報東陽

澹園復遺五香冬菹索疊前韵

如水清簾午汜陰坐收旨蓄慰冬心
菜根風味分甘好不數交情筮斷金

長腰春罷割鯖鮓碧綠青黃此倍佳
看殺茴香裝髻手

細篩倒藏費鋪排

茴香髻各本
韋娘之訛

滿瓶花氣逗賓厨
筭苦櫻酸俊孰如爲笑蘇巢杜蒿苳
但隨粗糲試生菹

小印鉗泥字五香舉場辛苦記同將

金陵秋試時例給
舉子五香大頭菜

知君慣買工求益要我牛齡趁夕陽

中江

一境分鄴縣鄴流碧玉清
私田晴未雨官路險差平
片石交花細重巒積翠明
夜來元武峯影河漢互縱橫

趙家渡

雲頂

山名

盤雲下斜陽野道紆水田分二浸煙市近三都

辟暑牆圍竹招閒岸拍鳬焦山聞不遠渡馬重相呼

五日

泰陵東引五雲車五日江樓閣物華

禱廟共聞成典禮罷舟非爲諷淫奢燒延院外朱榴樹
簪罷房中素柰花深念去年

慈福備洗兵時景蔚蒸霞

送陶村引疾還澤州

合椿花謝故人逢重見花開散跡楚邊徼身名甘苦慣
曹司職業去畱容杖頭藥裏尋醫問厨底蔬齋教客供
知爾無田歸亦好全家一笑涕翻從

出時乘傳反騎驢仕止無心衆不如先廟文章彝器上

貴游情誼角聲餘

用右軍事

傳經尙信科名重解組何嫌禮

法疎屈指橫汾秋雁早半途休悵一行書

橙木

橙音欽蜀人謂之橙木樹

連臂圍崇柯云是十年木釋木雖見遺封植數西蜀根

枝交蔽虧節目少盤蹙其陰若榕容其葉若桑沃其材
比薪蒸其產近溪澳好覓少府栽雅傍杜陵屋共傳小
宋贊未誤半山讀園丁移種初二配籠竹閱歲林遂
成張玉耐三伏爲用利頗饒論壽朽偏速美惡無定資
陳義在檀穀亦號水青桐緣江指濃綠